

EBBO VEL EBO

RHEMENSIS EPISCOPUS.

NOTITIA HISTORICA IN EBBONEM.

(Flodoard., Hist. Eccl. Rhem.)

Vulfario successit Ebo, vir industrius et liberalibus disciplinis eruditus, patria Transrhenensis ac Germanicus, imperatoris, ut fertur, Ludovici collactaneus, et conscholasticus, qui multis Ecclesiam curavit instruere commodis, et praecipue artificibus, quibus undecunque collectis sedes dedit, et beneficiis muneravit. Mancipia vel colonos quosdam Ecclesia desertores tam per seipsum, quam per Radulphum vicedominum et Ecclesiae advocationem, apud judices publicos legibus evindicatos et obtentos, ecclesiastico juri restituit. Quasdam quoque res Ecclesiae, atque mancipia, cum aliquibus personis pro partium commoditate commutavit. Sed et imperialis super eisdem communionibus pracepta obtinuit. Ab imperatore quoque Ludovico litteras ad Robertum Comitem pro ecclesiasticarum rerum defensione, quas quidam pervadere moliebantur, impetravit. Colonias vero nonnullas Ecclesiae, descriptis per strenuos viros colonis eorumque servitiis, ordinavit.

Hujus præsulis hortatu Halitgarius, Cameracensis episcopus, sex libellos de remedii peccatorum, et ordine vel iudicis poenitentiae conscripsit.

Hic Ebo præsul papam Stephanum cum Ludovico rege Rhemis suscepit.

Orta denique similitate inter patrem et filium, Ludovicum scilicet imperatorem et Lotharium, partibus filii favit, et cum ceteris episcopis corripuit imperatorem Ludovicum pro quibusdam erratis quæ ei obiecabantur, quando filii sui comprehendenderunt eum, et Lotharius adduxit secum patrem ad Compendium palatium, ubi eum affixit cum episcopis et ceteris nonnullis primatibus, qui jusserunt ut in monasterium iret, et esset ibi cunctis diebus vita suæ. Quod ille renuens, non consentivit voluntati eorum. Tunc omnes episcopi qui aderant molesti ei suis narrantur, et improphanentes illi peccata sua, abstulerunt ei gladium a femore suo, induentes eum cilio.

Itaque postquam Ludovicus ab sequivoco filio C

A suo restitus est in regnum et honorem suum, Ebo propter hujuscemodi factum depositus est ab episcopatu pro infidelitate imperatoris.

Igitur Ebo post banc depositionem suam in Cisalpinis fertur regionibus conversatus usque ad obitum Ludovici imperatoris, qui contigit anno incarnationis Dominicæ 840. Quo imperatore defuncto, Lotharius ab Italia in Franciam venit: cui Ebo ad Wormatiam civitatem occurrit, eique Lotharius post aliquot dies sedem et diœcesim Rhensem per edictum imperiale restituit.

Cui restitutioni, quæ Suessionis habita est, contradixit synodus, asserens quod damnatus a se, atque a quadraginta tribus episcopis, a minori numero restitui non valuit. Quod edictum Rhemis Ebo secum detulit, et apud ipsos et plures illud diversæ professionis et ordinis divulgavit, et in ecclesia Rhemensi publice recitari fecit. Ita eo tempore, quo Lotharius Carolum a regno expulit, et ultra Sequanam fugavit, Ebo sedein Rhensem post sex annos suæ depositionis recepit, et episcopale ministerium agere cepit. Sicque ordinationes celebrans, quosdam clericos ordinavit, et per totam circiter annum hoc episcopum tenuit: donec Carolus, resumptis viribus, in Belgicam reversus est. Quod audiens Ebo, relicta sede Rhemensi, ad Lotharium profectus est, et in ejus familiaribus mansit obsequiis: donec una cum Drogone, Metensium præsulo, Romanum peti, ubi a Sergio papa reconciliari ac pallium sibi tribui postulavit. Cui idem papa, communione tantum concessa, dare pallium renuit.

At Ebo Roma reversus, abbatiam Sancti Columbani in Italia dono imperatoris Lotharii possedit, donec legationem in Græciam ab eodem imperatore sibi commissam exequi detrectavit. Quocirca rebus sibi ab imperatore quæ datæ fuerant ablatis, ad Ludovicum regem Germanie demigravit. A quo in regione Saxonie quoddam episcopium promeruit: ubi et episcopali deinceps perfunctus est ministerio.

EPISTOLA EBBONIS AD HALITGARIUM.

(Vide Patrol., tom. CV, col. 651.)

CONFESSIO EBBONIS.

(Apud Flodoardum, ibid.)

Ego Ebo indignus episcopus, recognoscens fragilitatem meam et pondera peccatorum meorum, testes confessores meos, Aiulfum videlicet archiepiscopum, et Badaratum episcopum, necnon et Modoinum episcopum, constitui mihi judices delictorum meorum,

D et puram ipsis confessionem dedi, querens remedium poenitendi, et salutem animæ meæ, ut recedere ab officio et ministerio pontificali, quo me recognosco esse indignum, et alienum me reddens pro reatibus meis, in quibus peccasse secreto ipsis confes-